

藝文

詩

浮萍

馮元興

有草生碧池無根綠水上  
脆弱惡風波危微苦驚浪

知縣鄒理

瑟瑟西風古渡頭  
淒然芳草幾經秋  
鷗飛斷岸天將暝  
日落寒江水自流  
十里烟霞迷望眼  
萬家砧杵隔滄洲  
遊人莫謾生新恨  
今古無窮宋玉愁

天臺晚眺

喬年

層巒疊障聳晴空  
匹馬西來第一峯  
滿目烟霞春雨後  
萬山

蒼翠夕陽中鐘聲撞破樓頭月花氣飄殘檻外風尋僧更訪  
山腰寺半醉題詩峭壁東

漳水春遊

蔣良寶

花柳漫郊弄曉晴春光入眼正分明溪頭小酌陰邊趣馬上  
停杯物外情野寺何人橫短笛東風幾處聽啼鶯夕陽回首  
城南路更喜民謠頌太平

登蓬萊閣

郭璽

池上何年有此亭我來真得瞰方瀛洞中仙酒蛟龍釀雲裏  
玉簫鸞鳳鳴日近始知城不夜風迴惟喜雪初晴白鷗作伴  
閑眠久贏得人間吏隱名

登岳陽樓觀洞庭湖

郭崇嗣

歲晏驅車過岳陽，危欄回首鬱蒼蒼。  
洞庭水澗商帆集，楚岫雲開雁字長。  
泣竹千年逢二女，懷沙何處吊三湘。  
蕭蕭風葦江流急，落日登樓悲未央。

天門巖

李枝秀

突兀危峯起崎嶇，狹路通石標千古。  
色虎嘯滿林風看象懷，明德談禪憶智聰。  
買山錢不用，未可嘆塗窮。

春日卜居

杜國華

世情無底極卜筮，且舉居小茨。  
隨簷短長筇任杖，徐柳吹春竈。  
火花發夜園蔬客至無別供，床頭數卷書。

新居社日見燕

杜國華

社日看將至，梁間燕子鳴。  
戀花添舞蝶，拂柳間流鶯。  
未遂新巢願，頻傷故壘情。  
幽棲飛未定，何以異吾生。

寒食

風雨臨寒食，偏驚流浪情。  
梅花香信遠，芳草客愁生。  
青眼故人少，白頭世事輕。  
還餘一樽酒，東海吊田橫。

山中曲

呂元聲

萬嶺雲屯古木蒼，千尋瀑布瀉秋光。  
山家不解 味共道  
崗南野菜香

瑞峯庵和韻

張懋忠

清切龍盤地連山集百靈小村紆氣紫孤嶂掃空青入峽形  
疑東排林意暗停一庵留半偈片硯勒貞銘西邁虹將駕南  
瞻翠敞屏猗猗逢怒石惆悵別危亭終藉津梁返君聽澗水  
洽

漳河渡

張善教

登途舒眺望石路野田穿風軟松遮徑波輕客下船閒雲常  
帶雨晴日亦拖烟貪賞東山寺舟人倚醉眠

古渡秋風

李 逵

野水涼風吹蓼花晚烟帶濕似朝霞月明渡口漁歌亂雲起  
般頭帆影斜秋老方知宋玉苦詩興只看杜陵賒世間舟子

通鷗意蘋白渚清落雁沙

宛懷草堂招飲

李愷

同人且永日選勝此焉過頓訝塵容失還欣物象多臺山留  
昔秀漳水送遙波一望悠然臨風發嘯歌

漳水

賀應旌

烟籠柳岸水盈盈徙依城隈百感縈一色長天排浪影千尋  
斷港起波聲圓饒淇竹悲何策鬪隕茗華痛我生只有蛙鳴  
無箇事公私不管到天明

晚投山寺

張繹

策馬投荒寺輕陰散晚風嵐光噴月小漁火點波紅雁陣空

眞裏村烟斷續中不知山路險乘興訪支公

大雪

張翥岱

冰結銀爲桂花飛玉作林牛青微吐栢純白不分岑路引詩  
梅興樓成和雪吟烹茶吾自掃不效党家斟

輓路氏姊姒以兵亂投河死

李貞吉

真卿及杲卿兄弟兩忠節髮膚豈不愛所爭在帝轍我舌及  
我身丸丸地上血志與松筠堅不隨秋草折天台有蕙蘭奕  
世乃齊烈于莽驚伏戎珠玉同沉滅多少巾幗流一門著雙  
絕嗟彼鬚眉人朝秦復暮楚勞勞空自拙

寶塚弦歌

賀文瑀

公爲萬古植綱常，鬚髮衣冠遊北邙。鴻名已留金石永，血食猶聞俎豆香。孔門弟子先生志，賢塚師資百代芳。弦誦不離悲歌調，忻看吾道在衡漳。

過天台山市有感

程學禮

天台山勢半蹉跎，三十年來感慨過。往蹟誰知傳趙勝，里名已自失荆軻。隨他市語悲歌散，且傾村酒醉顏酡。陵谷不堪回首處，日暮獨上古城坡。

新築文靖公墓成

李宗桂

風度端凝古大臣，如今壟墓又重新。荒地此日無丞相，舊國當年有聖人。時事暫隨棋局變，勲名常載史書真。請看碑碣



巍然處淑氣仍留萬古春

重築李文靖公墓

焦利生

文靖遺邱幾代淪一朝修舉又鮮新封壘不沒通明相崇祀  
還瞻柱石臣風度當年天子貴清標此日聖人真卿雲布護  
千秋影碣石昭回萬古春

謁李文靖公墓

教諭柴士珍

生平動業史編留身後猶存土一邱風度早徵公輔器推崇  
曾擬聖人倚塵封華表憐鷗鶴雲護佳城認卧牛歷代褒嘉  
恩澤洽萬年俎豆薦春秋

留民肥邑士民三十首

錄十  
五首

知縣萬永福

三年肥宰竟何功  
辜負君民愧撫衷  
惟有焚香祝靜夜  
昇平歲歲慶魚豐

棊堂無事倩雲封  
獨喜多賢伴鳥蹤  
此後足音空外聽  
不堪回首望山重

四民安分得安居  
俚說休忘數紙書  
此理此心人共具  
看看赤子見生初

刊勸民俚說村給數本

額外窮民幾向隅  
三旬斗粟抵囊珠  
於今每飯猶厪念  
冷落炊烟起也無

額外窮民月給斗米捐金生息詳明各憲承遠遵行

未得牛刀濫割雞  
罔民多少不勝悽  
願民常念枷時苦  
勸語聲聲淚下齊

說去依然夢裡人  
北來空現宰官身  
浮雲幻盡天花落  
雨風風不盡春

見說還家萬里雲  
爭來賸餽意殷勤  
清漳舊是平原跡  
慷慨人人繡此君

城南有平原君墓

風塵幾許叩禪關  
法雨如珠願未還  
待結菩提成善果  
異香天外想芝顏

大佛寺祈雨寺梁曾產金色芝一本香聞數里

紙帳蕭然帶雪眠  
清遊竹外與梅邊  
醒來不訝寒侵骨  
道路人多是薄綿

不是鹽梅那可調  
茶羹還說舊箏瓢  
前賢未入紅塵夢  
愧我黃梁夢浪消

丞相墳頭滿日蒿當年事業足英豪談心節愛猶云愧何況

區區如我曹

李文靖公墓  
西門內

正學敷陳不厭多太師清望竟如何風流莫道隨漳改認取  
心源濯素波

寶文正默本縣人

比歲歡呼免癸庚皇恩帝德厚民生願民永念天家賜順則  
常教順氣成

勒馬台前步禱曾雲雷一夜汗駒騰祈公舊雨年年惠不負

經綸萬古稱

相傳勒馬台是李衛公行雨處予  
祈雨掛匾曰雷雨經綸

風塵鹿鹿自題凡解組還披舊日衫借問冥鴻何處集麒麟

山下老松杉

予鄉名瑞麟鄉  
在麒麟山下

贈清漳明府姪聿

李白

我李百萬葉柯條布中州天開青雲器日爲蒼生憂小邑且  
割雞大刀竹烹牛雷聲動四境惠與清漳流弦歌詠唐堯脫  
落隱簪組心和得天真風俗猶太古牛羊散阡陌夜寢不扃  
戶問此何以然賢人宰吾土舉邑樹桃李垂陰亦流芬河堤  
繞綠水桑柘連青雲趙女不治容提籠晝成羣綠絲鳴機杼  
百里聲相聞訟息鳥下堦高卧披道帙蒲鞭挂簷枝示耻無  
撲扶琴清月當戶人窺風入室長嘯無一言陶然上皇逸白  
玉壺冰水壺中見底清清光洞毫髮皎潔照羣情趙北美佳  
政燕南播高明過譽覽行謫因之頌德聲

十四日抵肥鄉

咸豐辛酉九月

趙文濂

僻縣抵肥鄉連年苦旱煙閭安撲拙市井慨淒涼文廟宮  
牆峻官衙蔓草荒華堂聊寄寓日色已昏黃

十八日接印聞警

纒縮儒官綬征車暫息勞未遑宣教化倏欲整弓刀旌旆旋  
威縣勝宮保烽烟達館陶書生無將略東望首頻搔

二十日金鏡軒太守廣平縣防堵統兵過境

東路軍書急南轅太守行鳴騶排小隊合郡倚長城烽火連  
天晴旌旗夾道迎營門趨謁處侃侃夜談兵

戍刻接札督辦團練

夜深飛札督鄉團火急軍符秉燭看戰守城宜成衆志指麾  
權竟屬儒官兵非訓練談何易材本迂疎試始難越境更申  
防勦令襄糧坐甲集河干

王蔭堂觀察調  
鄉團防守運河

### 李文靖公墓

宋代論賢相誰如社稷臣端凝儲偉度浮薄斥宵人焚詔宮  
闈正封書水旱陳高風師百世親炙苦無因

梓里來司鐸城隅墓道尋丞嘗昭代祀修築後人心宿草碑  
皆沒衡漳水莫沈

墓會爲漳  
水沈沒

英靈如可接烟景鬱森森

### 二十七日兵氛漸遠舊店撤防

東來群盜大縱橫犄角防難勢已成岸據洪河方扼險變生

內數忽焚營巢回撲范勇去隊整弓刀緩緩行何日烽烟  
銷萬里溥天齊唱凱歌聲

溶濠篇爲楊樹屏明府作

崇墉屹屹孤城高城隍詰曲圍周遭金城湯池資保障河身  
淤墊難容刀風塵四起兵鋒逼無險可扼心忉忉樹屏明府  
計深遠城垣修築挑城濠勞逸適均丈尺計畚鍤畢具塗泥  
撈來往督工意勤懇竭蹶從事聲喧囂壅去流沙涯岸露漑  
除蔓草茶蓼蒔車運溪邊反藁裡繩懸洞底轉枯槔闕地及  
泉水清淺成山積土隄堅牢濠寬三丈深丈五投鞭孰斷流  
滔滔牛馬牆高濠內築弗勝鼙鼓聲聞琴萬衆羣集與厥役



六日工畢忘其勞爲民禦災兼捍患不同土國墜城漕溪流  
帶環雉堞密布火器排旌旄鑿斯池也與民守志願堅定  
才賢豪摩岷勒碑紀巔末濠梁題柱濡吟毫

贈張生夢星

短衣匹馬敢從戎勲在諸軍戰敗中獨力摧鋒山莫撼奇兵  
制服火能攻執戈枉費前驅力奏績誰論後拒功我賦新詩  
聊紀實不教忠義波英雄

贈郭生慶雲

胡盧營外陣雲昏慷慨從軍報 國恩陷銳鋒摧兵奮氣裹  
瘡血戰劍留痕事關忠義生曾舍身歷艱危命幸存効力戎

行功莫叙此心耿耿與誰論

### 守城紀事

剛說衝威縣旋聞逼曲周原難防燎火河莫隔洪流兵勇傷

亡盡風烟慘淡愁裏瘡能力戰膽略有誰侔

曲周令  
余承恩

天色甫黎明鄉民盡入城開門容避難防患共操兵嚴密稽  
宵小從容靖物情倉皇奔赴者街巷已皆盈

城角擒姦細衙齋見縣尊縋人宵入郭舉火夜開門謫詭幾  
先燭防維事共論三更傳號令鎮靜寂無言

烟火高騰處旌旗密布時難民猶未入游騎已交馳堅坐人  
心靖開門定力持兵機宜整暇此意有誰知

內應先機斷危城徹夜防火光三面熾月色一丸涼挾纘人心慰揮戈士氣揚來攻期昧爽謬說斥荒唐

寇逼城雖閉門猶日數開路通樵汲便今下雨風催嚴陣防衝突宜民任往來矯情聊鎮物欲入故遲回

游騎來東道前鋒逼北關戎嚴方隊整返旆忽轅還車馬奔馳處烟塵指顧間西南翹首望殺氣莽迴環

仙令方攫疾居民盡上城撫循安壯士護衛有門生

生員喬日章史

筆榮執械  
爾我巡城

號火風中燭援軍月下營逃人奔告處銳氣鼓忤忤

遍野雪飛寒瑤虛欲撲營寨難敵眾賊即可攻城拉雜軍

先潰倉皇衆必驚力特堅守議桴鼓不需鳴

勦賊方收令援軍忽扣門啟闕城共入鏖戰事重論雨箭千  
枝急風鬣萬馬奔迎頭兜截好一霎陣雲昏

城北來馳報城隅兩陣攻乘煙風凜凜觀戰雪濛濛蓋地旌

旗白

賊中軍皆白旗

轟天礮火紅壯觀從壁上拭目奏奇功

誘敵方收隊衝鋒忽合圍征塵騰慘淡火器震聲威制勝紅  
旗閃

副將黃有馬上紅旗

催軍白羽揮追奔風雨驟我將盡如飛賊已

聞風遁城猶徹夜巡官營明有火月宇淨無塵事後防閑切  
宵深號令申勤勞憐我老厚誼感鄉民

肯從能爲力生還解復讐裝鎗無火藥臨陣棄戈矛鋒鏑拚

逃死權宜贖運謀潰圍難出者屍骨付誰收

逸賊村村執逃人處處擒鋤姦持重法訊馘竭虛心誅賞羣  
情貼哀矜雅意深鄉民知大義餘孽共搜尋

僥倖逃新死艱難返故居干戈連戰伐閭里慨邱墟力竭兵  
銷後房存火蒸餘撫摩慚寡術相對意唏噓

贈史生肇榮

科甲聯芳弟繼兄旂常鐘鼎舊家聲翩翩濁世佳公子武烈  
文謨見性情

父鵬戊辰武進士  
叔鵠甲戌武榜眼

烽火烟塵勢接天暫拋筆墨執戈鋌儒官護衛無兵甲城守  
惟借弟子員

月苑集 卷三 五  
寒夜巡城不憚勞感君伴我月輪高始知作賦凌雲者陣掃  
千軍筆似刀

贈喬生日章

岌岌危城徹夜巡寒宵誰護苦吟身豈知絳帳傳經者父執  
前驅大有人

雪天觀戰北城門勝敗機宜話共論遙指陣雲愁慘處家鄉

不遠是前村

生西客星人

遲遲鐘鼓五更長戰勝猶然未撤防一樣心兵同闔處半論  
攻戰半文章

明兵部尚書張學顏墓

一抔黃土俯孤村，宿草迷離繞墓門。  
斷礎僅餘殘柱在，英風猶說夏官存。  
龍韜望重功垂史，虎榜花探澤衍孫。  
武烈文謨消歇盡，盛衰轉瞬最銷魂。

漳河故道

清濁漳交流，昔聞在城外。由此達曲周，溢陽河同會。  
風雨吼波濤，沙石激湍瀨。作勢繞垣墉，引流入溝澮。  
秔稻灌有資，蒲魚利攸賴。浩渺無津涯，陸沈罹災害。  
舉城付波臣，禍患斯爲最。舊店暫徙居，時勢出無奈。  
迄乎城重修，奠居卜著蔡。舊治復移回，巨浸資襟帶。  
今徙入衛河，濟運勢霧霈。百餘年於茲，災黎免顛沛。  
然而險要無隱憂，貽方大去歲亂交。訃鼓行瞻

動旂存食逞豕蛇進退成狼狽城守幸無虞後患憂未艾儻  
有險可憑臨流樹旌旆半渡摧其鋒血漂波汪濊漢廣可爲  
池門高孰投蓋險旣扼山谿計難肆狡獪我來訪故渠歷歷  
形如繪斷岸連坡坨蔓草滋蔚蒼險要失金湯烽烟動塵壘  
何當挽洪流洗兵常清泰

團練大閱呈楊樹屏

思患宜預防宜民貴通變增兵勢未能募兵利未便斟酌於  
其間莫如講團練神君籍湘南文章霞彩絢力學裕經綸禦  
災備征繕完守力有餘決幾才洞見講武農隙時法立皆稱  
善地無論城闕人無分貴賤三時務老農六曹備良掾服買



貿易人摘華詩書彥各執綠沈槍兼發白羽箭火器震聲威  
攻取利尤擅因時制權宜計日期周徧木業各無妨人人皆  
歡忭口糧復無需家家供飲饌簡易期通行久遠欲無倦爰  
於合操時大閱分最殿戒嚴畫鼓傳麾軍紅旗顛掛隊立沙  
場鳴騶出花縣令頒兵氣揚陣演刀光炫火礮佛郎機驟發  
如雷電火銃與神機光迸目睛眩彎弓耦各分破的人爭羨  
技藝果優嫻褒賞荷寵眷鼓舞意拳拳誘掖情戀戀慷慨切  
同仇感奮咸革面團練法旣行兵鋒靖芳甸常可保身家變  
可備攻戰倘非遇神君盜難清內線我來備儒官沾沾事筆  
硯獻策悉敷陳守城蒙推薦好我慰私哀閩兵與公宴肄武

衆整齊作詩字研鍊非侈頌禱辭歌謠同野諺

賈文正公祠墓

一代儒風倡無如賈漢卿程朱新衍緒姚許舊齊名苦口論  
權倖甘心答聖明薦賢原爲國豈獨故人情

故里儒官黍孤村斷壘荒特來修祀典親得至祠堂舊廟摧  
風雨豐碑峙夕陽重修期後日私願或能償

清明節致祭義勇祠卽日甘霖沃沛呈楊樹屏

祀典春秋重神君節義彰作霖敷愷澤啟宇闢祠堂前歲兵  
鋒起連村火烈揚重城看瓦解巖邑慨唇亡過境三軍去衝  
途一面當壯猷資里閭忠憤激膠庠筆墨風雲氣擾鋤日月

光箭傳遵將令隊整飭戎行旗纛狼頭建車徒馬首望綏交  
地短劍刃接奮長槍勁弩更番射神機兩翼張喉吞戈返日  
耳貫矢穿楊大陣盤鵝鶴妖氛靖虎狼右師先潰散賊勢遂  
披猖四面重圍合千軍膂力剛礮猶施火器戟已折沙場鮮  
酒萋宏血枯拖賈復腸歸元悲胆絕捫足諱胸傷冤雪天飛  
白愁雲地覆黃並無屍可裹空有願難償褒獎時猶待衷懷  
今不忘清明新物候俎豆薦馨香旅魄憐漂泊精魂索渺茫  
明禋升黍稷新廟集冠裳珍重觴三奠唏噓泣數行神君心  
懇懇天意喜洋洋慘霧消中夜甘霖沛上蒼輿情舒抑鬱樂  
誠兆豐穰創建孚民願忠貞慰國殍神人胥悅處感格豈尋

常

四街鑿井盡得甘泉呈楊樹屏

共守危城號令從，芻糧雖積水難供。  
綢繆未雨精誠格掘井，何勞拜耿恭。

自是神君雅化宣，能教斥鹵變甘泉。  
城中從此居爭卜，廉讓之間范栢年。

井底波瀾不起時，一泓澄澈此心期。  
使君詩思清如許，酌水無須勵隱之。

井冽清如在玉壺，餘甘波及到吾徒。  
石泉槐火新時賦，欲乞東坡調水符。

偕劉光陸訪平原君墓

涼風颯然微雨住驅車共訪城南路琳宮梵宇峙芳郊剝水

殘山環古墓嶙嶙豐碑樹墓門

萬歷壬辰張忠立碑

銀鉤鐵畫破苔

痕石紋剝落字迹蝕遺銘猶題趙平原祠宮洞啟瞻遺像顧

盼生姿精神爽冕旒秀發飭威儀旌旆飛揚肅景仰祠後殷

勤古墓尋邗連高塚鬱森森高低禾黍青浮野遠近楸梧綠

滿林此距邗鄆六十里故都雄勝山河美自封肥義始名鄉

地僻偏隅乃葬此細將名勝考輿圖故趙山河片土無葛藟

孤城半湮沒列人故迹久荒蕪遺墟蒼莽殘疆擁死士生王

無舊隴興亡歷歷數千年一坏猶存公子塚公子好士動諸

侯卻秦存趙功無僞毛遂李同奮智勇史冊焜燿傳千秋功  
成而退頗知足嫌疑善避忠貞篤全身遠勝信陵君婦人醇  
酒遐齡促饑終茂典備哀榮輔相三王有令名焰閃晷燈闕  
幽室風嘶馬石啟佳城迄今高峙荒村外山河雄勝猶襟帶  
邯鄲來往精魂通阿護神靈利永賴我與名流引興長尋幽  
訪古共塞裳泰山神祠創墓側誰說墳頭坐女郎

新修魁星樓落成

魁柄形如斗星文象戴筐霖會爲傳說宮又啟文昌際會風  
雲氣樓臺日月光城邊翹首望倬漢炳天章

地勢占方向儒風振使君止戈方便武興學復修文保障城

新築絃歌化共聞  
形家言可驗  
特建閣凌雲

一自樓移後  
人文鬱有年  
兵戈連戰伐  
科第鮮聯翩  
舍舊機能轉爲良地  
可遷俯從多士願  
誰識妙微權

勢與新城接  
工從舊地興  
文星丹闕耀  
傑閣紫霄凌  
風會荒重破雲梯路  
可登願攜門下士  
直上最高層

重修竇文正公祠墓

森森古柏錦官城  
丞相祠堂舊有名  
獨在故鄉留廡貌  
高風誰得似先生

故塚猶存馬鬣封  
沙環水繞護重重  
大書深刻豐碑峙  
石骨嶙峋墨色濃

碑文王盤奉勅撰盤永年人

時移世易水山殘子姓無存奉祀難剩有墓田三十畝春秋  
祭典領儒官

連年兵燹苦頻仍戎馬縱橫礮火騰村墅荒涼祠僅在支持  
風雨力難勝

松楸蔭樹綠陰敷皮剝無存葉已枯柳下空留賢士壠有誰  
下令禁樵蘇

祀典修明展仲春衣冠整肅醴牲陳神牌失去牆垣圯滿志  
躊躇爲愴神

特揭清俸亟經營塗墍垣墉不日成復向邱封增式廓邠連  
高塚鬱崢嶸



敬誦吉日安神來俎豆馨香棟宇開差勝前賢李文靖祠堂

書院委高萊

文靖公祠及崇德書院已傾圮無存卽故址亦不知在何處矣

重道崇儒觀察賢紹源伊洛榜高懸雲烟重整龍蛇字此舉

依稀百二年

係乾隆癸亥大名道沈公所書字已漫漶重加修整復懸舊處

江水雲山景最奇釣臺會記子陵祠如椽愧乏希文筆山水高長寄遠思

楊樹屏率勇巡邊兼赴平固店與廣平曲周會哨

餘孽聞風動詭言到處驚伐謀乘未定防患遐將萌飛檄朝傳令吹笳夜點兵從征三百騎都聽鼓鼙聲

整隊朝鳴礮遊行曉奏笳陣嚴山莫撼令肅衆無譁策馬迎

紅旭揮刀炫紫霞豈惟消反側沿路閱桑麻

境爲巡邊出盟因會哨尋風雲旗影合霹靂鼓聲沈良莠從  
容辨渠魁慎重擒恩威兼用處三屬靖人心

營自沿邊駐兵從半夜歸烽烟消氣焰金鼓壯聲威明月雙  
旌引征塵一騎飛聞風俱遠遁何用合重圍

閏八月二十三日積善村鄉團拏獲邯鄲逆首王守清  
從賊馬永善二十八日又拏獲王守清之子王誠馬  
永善之弟馬永言

僭號稱尊衆若狂剋期舉事迹昭章兵猶未集機先露兆現

黃龍涉渺茫

王守清屢有黃龍出現之兆教匪信服  
之約閏八月十九日舉事先期破案

滅迹潛逃不可求誰知黨又訪同謀生擒天子非難事羅網  
匆匆竟自投

失察凶渠受禍深搜求戮力正同心喜春皇帝微行至李代

桃僵竟就擒

常二磨勾結王守清起事破案逃  
逸勒限嚴等王守清號喜春皇帝

魚網鴻麗事已奇天心更欲聚殲之試看孽子潛來日伏法

三朝尙不知

王守清馬永善解赴大名二十六日伏法王  
成等不知也仍赴村訪常二磨相繼被獲

### 紀事

五十有三人投誠氣未馴方期洗兵馬忽報警風塵突騎擊

衝陣前鋒近逼隣整軍馳赴處邊境以時巡

冠縣馬賊張錫  
珠等五十三人

既降復叛沿途裹脅賊勢遂盛十月二十三日突至廣平  
縣平固府肥鄉戒嚴楊修坡郊委帶大隊至東軍堡防剿

飛札調鄉團兵行力恐單誓師傳語切整隊撼軍難戈戟連

村接旌旗遍野看聲威先震處賊膽望風寒

楊樹屏明府備鄉團數千人由

崔家庄至北高舊店巡邊晚至東章駐管賊聞風驚遁不敢入境向曲周縣安爾寨等村逸去

蓄鏡欲鋒摧聞風返轡回消烽兵氣靖嚴隊陣雲開兔脫匆

匆去鴻麗買買來從征三十騎獲醜亦奇才

曲周縣練勇在安爾寨北堵截

都司高振海以馬勇三十人與接仗獲賊八人馬六匹餘賊北竄過滄陽河向廣宗鉅鹿逸去

### 西郊大閱

大閱聞仲冬况當寇觀釁羽檄正交馳聲威宜先振爰於縣

西效操演五花陣日暖惠風和雪晴沃土潤講武整三軍鳴

騶馱八駿旌旆展霞標戈矛森雪刃始焉一字徘徊容神靜

鎮少焉鼓角嚴部伍以次進箕張翼宛舒魚貫序亦順俄焉  
花亂飛風霆齊奮迅鳥機礮開山驟發如雷震火鈔連環開  
烟焰飛紅燼長槍後護之步代互相認進退變從心方圓驚  
轉瞬攻堅氣飛揚守隘地險峻圖從八陣開名與六花觀大  
旗周回呼收隊咸敬慎令出衆無譁師誓言必信有勇取凶  
殘知方曷忠盡律失罰必嚴賞行財不吝禦寇修甲兵詰戎  
拔英雋一掃靖妖氛旌功茂秩晉

趙相國肥義

幼主能扶亦有功分封采邑主恩隆衡漳襟帶山河固苟息  
忠貞際遇同骨肉操戈王室亂死生爲國古人風君臣駢首

歸於盡惆悵沙邱昔日宮

晉縣令張載

肥鄉改縣溯黃初九品官人令始除考古無徵多缺畧以儒

爲吏豈迂疎職官名可芸編冠

肥鄉有令自公始前無考

文字銘曾劍閣

書蒿目時艱歸隱好蕪鱸鄉味意何如

晉程嬰匿趙孤處也今訛爲城南堡

叢祠傾圮委荒烟憑眺遺墟意慨然避難幸居山以外得名

翻在縣之前

趙武靈王封肥義始名肥鄉魏黃初時始名縣

尙思成信封侯日

宋真宗時

封成

信侯空憶邯鄲建國年歷歷興亡彈指過忠魂猶得祀鄉賢

鄉賢位

第一

弔鄉團陣亡生員

觀察陣亡師徒敗

秦道憲奉三十一月初九日陣亡

如火燎原勢崩壞尖塚

渡河愈鴟張

十三日

前鋒倏抵房兒寨

二十七日

于家寨裏報安營

邊馬紛馳掠廣平

二十八日

距縣東南四五里明朝決定撲孤城

草檄飛書夜起稿鄉團調赴河頭堡復調各團互救援嚴守

村坊衆入保賊鋒逼近騎交馳

二十九日

步不敵馬力難支飛騰

烟火延燒處颯爽英姿酣戰時劉氏弟昆才競爽

武生劉玉玲劉玉璋

劉玉璋

棟蒿聯芳最勇往復備小阮抗酋鋒

武生劉慶龍

爲國捐

軀志慨慷張生才調藐寡儔

附生張學會

挺身決戰能依劉肢體

已從刀下解屍骸復向火中投俟家昆弟尤驍勇武烈文讓

起拔踵自帥孤軍來救援中途賊至如蜂擁怒馬前驅堅陣  
衝箭能貫耳鉞交胸連斃二人全勢挫潰圍力得透重重武

侯世蛇豕橫衝截在後陷銳摧堅兩時久矢盡援絕張空脊

血肉橫飛死不朽

武生侯世勳  
附生侯世選

亂箭齊射亂刀攢剖腹挽心

見肺肝屍焚野火朝烟黑血染沙場夜月寒偉人更有程榮

愷糾合鄉團嚴陣待力摧狂寇勇難當身陷重圍死靡悔同

心幸遇魏青雲合兵一處抗全軍中傷墜馬元先喪挺刃尋

讐志愈殷刀傷三處頭未斷後心槍復前心貫雙睛挽去眼

全無一手存時身僅半帶傷奔至事徐陳逃出圍丁僅九人

効節全忠由學校禦災捍患爲鄉隣我聞此事雄心激如此



英才殞鋒鏑申文一紙報文星九重轉達 恩綸錫陣亡前  
有呂諧宮後先輝映事相同大員擁兵甘縱寇効死翻在庠  
序中

楊竹坡外委敗賊西賢店

烟塵四起距縣東偏師直搗推英雄光騰矛戟朝霜白旆閃  
旌旗曉日紅東章堡乃扼要地偏師駐此嚴爲備夜深一紙  
接軍書運籌決策從容議三更飛札調鄉團爲守危城留縣  
官游騎交馳防寇逼偏師回救恐兵單偏師未返敗書至倉  
皇爲我言其事河頭堡與屯庄營團長團丁俱殉義衆情慄  
駭門欲闕力排羣議令如山難民俱得城中入清勇都從

外環北路旌旆紛無數西張寨團來救護逐村點入恐藏  
門禁森嚴日云暮燈後登埤縱目觀燭天烽火報平安一騎  
紅塵扣門報偏師制勝盡騰歡二更師旋歌奏凱旌旆飛揚  
騰異彩成功迅速賀將軍酣戰情形告僚案回兵數里遇妖  
氛豕突狼奔犯我軍陣法精嚴豈莫撼士心整暇力難分大  
衆偕來風雲變數千驍騎圍三面赴援止有北高圍一隊合  
成決死戰矢穿七札貫層層迭進連環礮火騰卧槍開處屍  
枕藉冒烟伏地進何能開山礮打一二里子貫數人人馬死  
督隊賊目中槍亡棄甲拋戈奔不止徐徐撤隊整弓刀士卒  
俱未損毫毛夜可回城奇計秘少能擊衆戰功高衆皆大悅

奇功賀三百餘人強敵破運籌決策我何能取勞膜拜蓮花

座

樹屏竹坡皆免寇稽首謝我  
教演陣法及一切調度之功

事畢乘閨守禦嚴連宵巡警

敢遲淹妖星退舍兵氛靖壯士磨刀勇氣添才略權奇計深  
穩力挫凶鋒衆無損詰朝烟火起前村聞風賊已潛師遁

### 十二月戰守紀實

烽火接天高鄉民難共逃扶持偕老幼護衛整弓刀路遠魂  
難定時危首漫搔那堪風雪夜兒女聽啼號

雪霽上朝暎千車郭外屯摧鋒來北道分路啟南門稽察防  
姦細安全慰旅魂入城猶未畢慘淡陣雲昏

笳鼓響沈沈前村寇已深登陣防內患出隊慰人心相覺烟

塵熄渠看壯士擒，望風奔潰處，喜報捷書音。

秘議見相同，潛師欲夜攻。吹笳殘月白，擐甲曉燈紅。戈戟霜

明裏，旌旗電閃中。危城需坐鎮，扣馬阻從戎。

樹屏欲出隊，力阻其行。

寇

已入邯鄲人情得，少安旋帥鋒。莫遏決戰力，能殫

焦家營

團練

師徒敗奔馳，道路難西南。遙望處，烟火黯漫漫。

寇警駭傳聞，馳援夜整軍。師行驟雷雨，氣奮壯風雲。雅意思

偕作深情等，救焚前鋒猶未接。敵騎敗紛紛。

劉光陞欲領鄉團出隊與樹屏

力勸  
始止

轉戰戮鯨鯢，先聲震鼓鼙。赴援勞跋涉，屬望慰雲霓。落照塵

俱暗，悲風馬共嘶。臨危能決勝，偉績太常題。

余蔭軒太守

一戰喜功成村墟又苦兵  
幃帷方息轍節鉞忽臨城

大名縣伊綿額

慟哭求征剿

樹屏哭求鎮台出師

迂途赴廣平遷延甘縱寇何日覩澄

清

秘約切同仇師行道不留整軍聯臂指贈礮寓權謀事以和

衷濟心原勁敵求成安馳救處賊已入中州

樹屏與蔭軒合兵追賊至成安

賊向河南臨漳縣逸去

游騎抵荆科鴟張喚奈何馳書邀太守整旅荷雕戈半夜箋

回鴈凌晨鼓奏鼙西韓師會處拭目戰功多

樹屏與蔭軒會師西韓賊遁去

合力敵摧強兵來焰又張

謙侍衛及革員王恩第

喧譁聲震怒搶掠勢

猖狂正論登城責

樹屏正言責謙侍衛

凶威歛隊藏可憐烽火後遷徒

復倉黃

團練調清豐羣來馬步同民剛經亂後市况罷年終錢米殷  
勤借資糧搶掠空是誰爲此策遺患復無窮

防守紀實

同治癸亥正月

無地止干戈兵氛可若何沙蟲軍化慘風鶴警聞訛寇恐乘  
虛入人憐避難多倉皇奔告者寨已逼西河

平固店回兵侯村夜駐營飛揚騰殺氣焚掠振軍聲境未潛  
師入人皆到處驚風聞全隊出伏甲襲孤城

莽莽陣雲昏登陣勁卒屯城關金鑰啟車軸鐵籠奔擾攘來  
千輛安危繫一門令行需禁止諄切告司閭

震怒髮冲冠威行賊膽寒生靈鬪繫大情面破除難罪我功  
皆過宜民猛濟竟任勞兼任怨浮議聽譏彈

十三日肥鄉練勇敗賊於曲周之香城固

劄賊凌晨出黃昏尙未歸求援人力竭赴救馬蹄飛笳鼓連  
天震旌旗顛地揮望風奔潰處頃刻解重圍

竭力援都閫歡顏動制台綏交兵氣奮旛動陣雲開會食酬  
軍士烹羔厲將材感恩宜效死觀察更輕財

二十六日肥鄉練勇敗賊館陶之善樂營

狡寇沿河掠偏師扼險防風吹波起立礮震火飛揚驍騎橫  
流渡凶渠墜馬亡還期軍橫捕果毅厲戎行

二十七日肥鄉練勇又敗賊於善樂營

敗陣宵收隊衝鋒曉渡河流深應拒馬陣固願爲鵝背水兵  
鏖久開山礮震多戰酣天色晚返日欲揮戈

張棟擒賊紀事爲樹屏作

廣平多莠民有村曰張棟結黨惡習沿習教邪經誦常則稼  
穡安變則刁兵弄更有釘見庄行爲相伯仲焚掠禍屢興遁  
逃藪與共村人過此問邯鄲同黨送團練械繫之相與公堂  
控研究竭虛衷始知反者衆吐實姓名留寬恩俘囚縱此事  
秘不言軍務理錯綜兵退赴廣平彼地官疑恐出言多阻撓  
旋師務持重密稟觀察知進行勸騎從師會蹤甚潛渠擒謀



屢中乘夜抵其村賊尚在醉夢拒捕斂函鋒問名逞健證據  
單細推求指實互喧闐一十有七人伏罪咸駭恫計秘首逆  
擒法嚴重典用更有舒兒庄請君同入甕除姦後患彌獲醜  
豐功頌越境掃妖氣 天書將錫鳳

二月戰守紀實

爲有巡河舉行旌抵小灘

崇制軍

遠迎方整隊弛備竟偷安狡

寇乘虛入洪流扼險難黃金堤望處烽火黯漫漫

竟日風霾暗倉皇逼寇氛南門闕洞啟東鄙屋皆焚避難跟

踏至馳援約略聞

余蔭軒太尊

衝鋒烟霧裏敵騎敗紛紛

兵敗東章堡移營駐北高裏糧炊未熟衷甲棄先逃潛遁宵

博令窮追夜帶刀鋒車馳赴處寒色冷旌旄

竟夜狂奔去傳聞入曲周前鋒剛敗挫一旅敢淹留轍以還  
輾息師從返旆收整軍期復戰慷慨誓同仇

又復從征去移營塔子橋旌旗縈柳色父老餞花朝敵愾刀  
磨利摧鋒騎擁驍勤勞應不憚一路馬蕭蕭

鷄澤師徒敗潛分兩路兵全軍方北犯一旅忽南行大將窮  
追去妖氛孰與平永年西鄙警關已入臨洺

聞說邯鄲陷凶鋒逼縣西車塵來擾攘烽火望淒迷警報驚  
風鶴軍聲振鼓鑿戒嚴申將令城守衆心齊

寇自成安返西南又被兵難民方絡繹游騎忽縱橫山倒羣

情震風聞衆論驚開門持定議鎮靜息紛爭

張達剛焚掠城南堡又侵開槍民力奮射馬逆渠擒出隊塵  
皆暗旋師日已沈聲威遙震處聊以固人心

夜雨溟濛灑登城極目望雲容垂地暗火氣接天長撫慰軍  
心奮飛騰士氣揚南樓同坐處籌畫務精詳

帶隊門同啟逃人數愈多疏通方設法衝突忽揮戈游騎南  
關逼全師北路過人情怖懼甚退敵策如何

關外鄉民集濠邊勁旅屯背城堅結陣出隊洞開門礮火殲  
羣醜烽烟暗遠村解圍遙遁處塵壒晝昏昏

出境肩方息妖魔敗復還陣排嚴背水

余太尊敗賊塔子橋

令下整如

山兵潰奔馳處烽明遠近間可憐東北境攻伐四圍環

寇又西南撲旋師勒馬臺風馳書屢報路遠礮難開戈戟森  
嚴過旌旗絡繹來前鋒遙指處山已逼天台

勁敵嗟深入新兵喜又增分餐傳隊隊教陣布層層鎮定軍  
心肅飛揚礮火騰聞聲游騎返出沒又何能

逼近兵鋒處危城冒雨巡西方烽屢報東路火猶新四面烟

塵濕三更警戒頻關心門下士

喬日章

深夜共艱辛

西路師猶駐東城馬忽來乘闖知寇逼整隊飭門開誓衆嚴  
師律當衛守礮臺揚聲鎗發火敵騎已奔回

馬步相偕至城隅繞路遙倉黃逃衆過紅白大旗飄迢遞村

墟隔飛揚士卒驕破開難得力強敵莫輕招

列陣沙灘上前鋒敢撲城士心知奮激礮火震旬旬馬倒人  
皆斃渠殲衆盡驚援兵追又至夜遁忽焚營

寇退門方閉漫天雨又風城頭雲盡黑關外火猶紅霧散星  
皆見烽傳焰若烘北門危坐處調度竭私衷

徹夜嚴巡警凌晨得捷音總戎知戰勝

姜鎮台

都護喜渠擒

恒都

統

力掃妖魔氣歡騰壯士心更聞賢太守

余蔭軒

赴救馬駸駸

西路摧強寇幟帷暫駐時郊迎宏接納館適話交期敘戰優

褒獎留官力主持

樹屏調署永年紳民具稟保留已恩準轉詳

西南烽火近整旅

簇旌旗

轉戰逾千里旋師得暫歸衝鋒軍可掃破敵將皆飛

十九日楊竹坡

以五百人先登

大敗賊於寧晉振旅功知懋馳援令敢違五更笳鼓競拭目

解重圍

河曠兵鏖處戈矛試及鋒鴉軍聯赫赫鵝陣結重重礮火轟  
天震刀光陷陣衝追奔憑衆將奏凱氣雍容

### 三月防守紀實

新舊正乘除旋聞告急書士民皆震恐人地况生疎共問匡  
時策紛馳避難車代庖難越俎扼腕意何如

仙令喜瞻韓虛懷問治安政寬宜濟猛事急敢辭難調度頌  
新令扶持仗舊官前籌方借筮塵壻已迷漫

戈戟簇前鋒旌旗絡繹從繞城知勢逼據險遏兵衝處處嚴  
排隊村村近舉烽二更猶未返鎮靜氣從容

笳角響傳聞匆匆夜整軍令嚴昭日月志奮激風雲焰息消  
秦火渠殲靖楚氛行營將赴調猶自建奇勲

大隊勇剛裁倉皇警報來銷兵難侮禦避難尙門開敵騎行  
還止逃人去復回可憐村墅裏焚掠有誰哀

捧檄赴行營從新又募兵隊仍分五陣警忽報三更祖道朝  
行酒披衣夜守城逃人詳細問北路騎縱橫

犯曉遺全師兵來又一支塵中飛鐵騎裏捲珠旗拭目遙  
看處登陣固守時四城巡察遍筋力已皆疲

黠浚布濃陰城頭密雨淋洗兵消沴氣入夜浦甘霖望澤農  
夫意乘闔壯士心陳勝非細事勞敢懼宵深

旋里欲耕田驚聞管輅傳制軍方奏捷

劉蔭渠制軍賊於永年之柳營分爲二股

一股北入沙河  
一股南入肥鄉

狡寇又侵邊西鄙風塵暗南城步騎連敗

軍誰夾擊蒿目盡烽烟

逐北至沙河

劉蔭渠制軍  
敗賊沙河縣

鴉軍共奮戈考應書上上兵益辦

多多節度高千里將軍馬伏波肅清知不日奏凱聽鐃歌

弔遇害生員王崇儒

功成會記請纓時

去年十一月二十九日  
隨官勇敗賊於西賢店

視死如歸又若斯

禍難同鷄斷尾荆膚慘等豹留皮

爲賊剝  
皮而死

經傳絳帳文章



老

生曾受業於門

血化青憐節義奇戰績昭然猶未敘捐軀爲國復

誰知

### 李烈女歌

忠烈之氣參天地全節完名死無貳丈夫慷慨固捐軀女子  
從容能就義烈女毓質縣西鄉婉變閨中猶待字釵荆裙布  
樂安貧夏靖冬溫能養志溫柔敦厚兒女情磊落光明英雄  
事去年流寇起山東豕突狼奔兵氣熾烽烟逼近無奈何易  
服改妝禍亂避老母幼弟結伴行踉蹌逃至石柱寺道旁古  
井寂無人一騎紅塵邊馬至忽見嬋娟眼欲燒携之同上青  
繡騎以死自誓怒填胸氣奮風雲申申詈馬鞭毒打逞凶威

體無完膚志不易繫羈母弟磨利需如不相從生難冀堅貞  
固欲大節全躊躇不肯慈親棄轉怒爲喜誘甘言以巽行權  
施誦智老母幼弟放其行相隨始可從容議轉身向母哭失  
聲與弟速行莫疑忌自拚一死抗凶鋒歸家莫以兒爲意返  
身罵賊厲貞修投井捐生敦古誼事當難處能兩全節固無  
慚孝亦備我聞此事發長嘆忠烈不以裙釵異自從東省警  
風塵戰守機宜密處置陣教團練寇屢殲志奮膠庠身可致  
讀聖賢書禮亦宜陣亡非等輕嘗試貞媛乃復見閨門巔未  
從頭詳爲記表揚節孝報 文星潛德幽光不終闕珠玉揮

毫門待旌金石鐫銘墓誌何時

綸綵煥

龍章

天語

褒揚至再四 詔書重疊烈女旌 卹典優隆烈士賜廉頑

立懦風化關後人爭欲徽音嗣

### 葛葉故城

故迹難尋葛葉城武靈於此丞經營登陴固守英雄事鼓瑟  
清歌兒女情綠酒紅燈春夢醒頽垣敗礎舊基傾沙邱探穀  
豪華歛剩有夫人獨擅名

### 列人故城

建議城將此地遷

明有此議不果行

誰知故迹已茫然名臣闕闕開

元魏

宋隱等皆列人人

一代山河創後燕

慕容農於人起兵

封域周環猶昔

日垣墉傾圯始何年登臨我欲詢沿革風影難憑父老傳

八月防守紀實

拭目靖干戈無如寇警何方聞躡衛水

十七日恒提督蘇穆統敗賊於開州賊踰

衛河

倏報渡漳河

十八日

兵氣成安遁軍書簿暮過緝完商入

保鋒已抵荆科

事急敢偷安巡防告縣官乘闕宵月朗授甲夜燈寒勇士招  
徠猝人心撫慰難二更聞警報烽火接西韓

唐家曠安營鄉民到處驚傳餐宵葍食奪馬夜添兵震疊遙  
聞礮倉皇夜赴城登陴傾耳聽不斷走車聲

郭外衆雲屯逃人絡繹奔

十九日

殷殷詢賊勢欸欸慰驚魂稽

察巖傳令哀矜洞啟門日中聞探報營已起前村

北入永年境

太守領雄師

余蔭軒

天雄警報知

自大名聞警

渡河揮鐵騎赴救擁

珠旗後隊戈矛簇前驅羽檄馳整軍連夜起追剿敢稽遲

駕返喜傳聞東郊候使君

楊樹屏

離群經五月救患整三軍渺

渺懷難述匆匆手又分過門真不入

夜駐營常兒寨

惆悵望行雲

二十九日夜半城角大礮放光詩以誌異

礮臺過兵衝屹然城之畔上置佛郎機中含流星彈狡寇攻城時一發胸曾貫如何深夜間霞光騰蔚煥練勇爲我言神靈默相贊前年胡盧營王大中反叛四月二十三風當夜半矛噴火氣騰劍春星光爛執戟焰飛揚揮戈色璀璨驟觀人皆驚傳觀衆相喚城守備非常連宵直達旦次日救兵來

勇可三軍冠王大中伏誅胡盧營解散始知狡寇謀乘夜思  
擾亂銜枚潛師來觀釁危城看忽見燈火然旋師同鼠竄刀  
劍放光明神祇實衛扞物換星倏移事異理同斷或者仗神  
靈從此解危難延訪辭皆同有微言非調但願與論符烽烟  
靖里閑偃武修文事光芒徹雲漢

九月城守紀實

城外車馳過譁言盜賊來計程知縣近何故尙門開聞警親  
爲訪傳訛衆尙猜登樓遙望處南路盡塵埃

初五日

已過漳河店旋衝百子營成安人盡擾邊鄙衆皆警招募新  
添勇防維靜守城天台山下路敵騎已縱橫

敗陣鋒雖挫

恒提督蘇都統連敗之於觀城開州滑縣

收軍勢尚強潛師趨濬縣

募水越衡漳前路旌旗引

前打紅旗

中軍傘蓋張

中張紅傘

揚聲紅過

此火器莫開槍

賊過天台山寨揚聲曰官兵過此甚勿開槍

故道漳河涸逃車狹路逢殺人聲慘切奪馬勢豪酋寨上遙

開礮沙中遠避鋒救援非恃此何以遏兵衝

鐵騎問遭擁中央步隊多虜人施謫計乘勢抵判科旌加塵

中捲卒安鎮外過生民業茂甚蒿自意如何

馬至龍堂堡遠城墜不盡火燄光遠近城守衆蕭條鎮靜人

心固飛騰敵騎驍鄉團能用命士氣奮深宵

團練民皆集危城夜共懸壺禱借異料

機竹

鎮梅竹同人燈

火聲威赫雷霆號令赫忽聞鷄遠唱天色倏凌晨

與劉光陞及張廷昭

張夢星微

夜巡警

犯曉門徐啟傳言集共聞起行奔敵騎逐北見官軍車馬馳

如水旌旗擁若雲相逐無數里拭目奏奇勲

恒提督蘇都統帶馬隊數千追

至距賊不遠

九月防守紀實

牽馬匆匆至傳言寇已深買莊方縱掠辛寨已交侵駿馬沿村奪逃人入境擒更看東北路車騎驟駁駁

寇逼東章堡村民猝不防兵方三路集網已四圍張鞭撻披驟馬喧呼索酒漿可憐逃難者何處可潛藏



軍有天雄號

大名道兵勇

移師駐廣平街枚宵整隊舉火夜焚營

摩壘貔貅擁拋戈鳥獸驚崑岡炎玉石誰與念民生

小地來逃匪隣封路不遙誓師威赫赫整旅馬蕭蕭後勁新

軍繼前驅舊勇招風馳雲擁處兵氣奮崇朝

十三日

狡寇聞風遁妖魔漏網難兜擒逢狹路捆送飭鄉團重賞人  
皆奮駢誅法詎寬聲威遐爾播聊以衆情安

懇求樹屏優免陣亡遇害生監子孫徭役並免充里里

書地方樹屏恩準出示存案永遠遵行詩以紀事

煩重蠲徭役哀矜到子孫生前曾殉難死後復蒙恩慷慨持  
清議殷勤表義門尸功吾豈敢聊以慰英魂

陣亡游擊史鵠殉難守備常奇珍入祀忠義祠

剿賊赴連州

史鵠剿獨連州陣亡

邊雲黯淡愁裹屍拚馬革登甲遜龍

頭

甲戌科武榜眼

科第難兄繼

兄鵬戊辰武進士官游擊

旂常偉績留蠻荒腸斷

處芒角大星流

開建守孤城

常奇珍守開建縣城陷殉難

炎荒正苦兵衝鋒酣戰氣固壘

振軍聲援絕臨危陷門開誓死爭捐軀能爲

國不負美科

名

乙巳武進士

廟食禮優隆

朝廷爲勸忠

史鵠奉旨入祠

豈知威闕典何以勵臣

衷時過

恩重沐名齊祀並崇闈幽爽節烈此意兩人同

十二月十五日會同樹屏竹坡及副齋趙淳然送陣亡

哨官練勇入祀昭忠祠連日祥霽沃沛詩以紀事

節烈褒揚切天人感應通英魂來彷彿瑞雪普溟濛遺孽灰  
然燼高陵莽伏戎鴟張思燾奪豕突敢城攻禦侮資奇策掄  
材竭苦衷陳師明約束領隊選英雄顛地旗懸白轟天礮震  
紅五花方演陣一戰竟成功奉調遵嚴令造行類轉蓬防河  
流遏險獻馘騎乘馳紫掣沈沙戟彤彎滿月弓賞邀嘉績日  
死效感恩中身屢經勞瘁心無間始終威名甯晉北偉績館  
陶東狡寇謀真譎嚴疆亂內訂請纓期射隼拔幟欲當熊退  
舍戈揮日韜光劍吐虹方思搜穴蟻豈料化沙蟲慷慨當強  
敵艱難屬匪躬前茅鋒忽挫返顧路皆窮陷鏡精神健羽軀

士卒同毅何慚致異與不愧昭忠凱撤饒歌返庸酬禮貌隆  
潔牲明祭告諏吉敬祠宮老淚縱橫灑高文點綴工尊卑威  
略分小大憫從公惻怛縈私念精誠格太空濃陰寒釀雨朔  
霰舞隨風屑礮言霏玉宵連漏轉銅兵氛全滌蕩沴氣盡消  
融去歲清明屆鄉團饗祀崇饗神醞綠酒沃澤沛蒼穹轉眼  
芳時過傷心慘禍叢萃拚誰衰馬爪印永留鴻事苟孚民願  
聞皆達

帝聰祥雲飄漾處從此卜年豐

出郭初見遠山感賦

知縣韓 印

八日狼烽息馳車眼乍醒雙流漳水澗一髮太行青遭亂民

疑少催科吏未停自慚稱父母奚以繼前型

楊樹翁先我今斯邑愛民等國

殫竭心力書上上考

各村遇害紳民六百四十餘人入祀昭忠祠

趙文濂

忽殞兵鋒亦可哀後先相繼赴泉臺死期殺賊精誠竭祠爲  
昭忠棟宇開典禮優隆緣義起英魂陟降恍神來天心一樣  
容愁慘朔雪隨風陣陣催

烈女李省姐並烈婦二十餘人入祀節孝祠

事因急智得流芳特請文星爲表彰

捐生全節緣由申請學憲特賜急智流芳匾額

表其門閭

綸錫門將施綽繹

學憲咨部奏請旌表樹屏亦並諸烈婦申請

賜卹

祀崇享預

合祠堂寬銷古井波瀾息

烈女馬賜投井死

名附貞魂姓字香怪得

風寒兼雪冷堅剛節共凜冰霜

陣亡哨官練勇團長團丁殉難紳民婦女刊石鐫碑分

立昭忠祠節孝祠

殺運苦未除風塵屢告警游騎近逼城潛師敢掠境練卒飭  
鄉團各自衛鄉井挽強弓矢張鬪捷干戈逞凌厲氣飛揚精  
嚴陣修整捷獻雖擒渠師燿亦刎頸馬步勢相懸騎難敵馳  
騁酣戰賊勢張延燒火力猛堅守城屢危赴援道又梗嗟爾  
衆紳民沒難保首領核實名恐遺飛章卽爲請忠節表閭閻  
絲綸錫臺省入祠祀並崇鐫碑垂使承大力山可移特書筆

代秉修月斧揮吳成風斤運郢痕拖水墨紋字煥龍蛇影真  
珉峙峨峨忠心表耿耿頻年禍亂叢豕蛇肆兼併畎畝氣敦  
龐膠庠才俊穎竭力保鄉閭無辜罹災眚温柔婦得佳幽間  
女稱靜罵賊軀可捐全貞節同靖湮沒苟無聞五內憂恟恟  
厲節 恩屢施成仁名非倖穹碑摩嵯書懦頑宜猛省奔亡  
活草間千秋尚齒冷

從軍行

殺運將開烟塵起團練鄉民保閭里結陣縱橫演五花轉戰  
迴旋逾千里旌旆飛揚戰鼓鳴短衣匹馬賦長征重圍立解  
香城固天險嚴防善樂營大將防河兵勢挫如此洪流等閒

過故鄉烽火照天紅  
躊躇惟恐危城破  
提兵回救路迢迢  
逐北營移塔子橋  
鐵砦金碣鋒陷銳  
烏亭驚堠騎連驍  
甯晉追奔師已老  
力挫凶鋒中堅搗  
制軍含笑催賜金  
健兒軍可千人  
婦敘戰銘功指日看  
忽聞警報陷邯鄲  
整軍氣以還鄉奮  
重繭人忘行路難  
衆雖一旅軍符調  
城內空虛兵難召  
雷奔屯掣從西來  
淨埽妖氛大古廟  
載戢干戈欲賦閒  
更隨仙令在行間  
北河寨外收降處  
積甲高齊熊耳山  
一戰功成不負汝  
置腹推心取懷予  
捷書方欲奏朝廷  
垂成又被兵氛阻  
河東忽地起狼烽  
遺患無窮爲養癰  
令下三軍繚甲冑  
師興六月簇兵鋒  
禾稼連雲天大雨  
師徒撓敗勇難買  
潰圍得出



倖全生竭力馳援能救主疲兵再戰壯兵威旗鼓堂堂六合  
圍四面楚歌軍盡墨千層漢幟將皆飛釜底游魂跳身走焚  
巢大破逋逃藪摩崖功績勒燕然定取黃金印如斗如此勲  
勞薦膺遺依然故我意淒其傷心奏凱言還日扼腕揮戈酣  
戰時名器 朝廷宜慎重樗才敢說爲時用無如擁兵自衛  
人皆進崇階增厚俸英雄籠絡盡虛文烏盡弓藏自古聞生  
不封侯空百戰數奇慟哭李將軍

葛藜城 一名夫人城

昔趙武靈王爲夫人築城危樓峻傑閣畫棟連雕甍鳳臺峙  
巖嶭雉堞環崢嶸垣墉踞勝勢琴瑟和新聲從房列趙女素

手彈秦箏欲老温柔鄉誰知禍患嬰少子位雖傳長子兵紛  
爭肥義殉國難李兌敗亂萌探馘沙邱宮哲婦城真傾迄今  
數千年歲月悠悠更頽垣斷礎沒蔓草荒烟平遺踪何處覓  
考古心怛怛偶詣天台山奇鵬遇薛生適館舊特訪倒屣歡  
相迎談文把酒盡論古剪燈繁細詢城何方考核頗能精有  
村劉家寨距此八里程村東城久無葛葉存其名故宮盡禾  
黍廢墟荒榛荆每當春夏交陰雨倏然晴虛無縹緲間樓櫓  
浮雲橫重闔日華炫曉市烟光縈繚青露屋瓦流丹認簷楹  
海中聳蜃樓一水隔盈盈真形約略觀變態須臾呈二三年  
不定光景現晶瑩聞言詫奇事懷鄉動遠情我村名郭下川

原美且清陰晴隨時變城郭頃刻成野氣幻樓臺於此相發  
明考古有特識定情憶舊盟邯鄲趙王城庶幾相抗衡徵禮  
賴文獻核實共品評訛言埋承相何足爲重輕俗云夫人城  
裏埋承相則  
葛葉城誤  
指縣城矣

### 重挑城濠詩以紀實

樹屏履任時城工始發軔崇墉屹屹修外濠深深濬丈尺會  
計均遠近程期信諸村宜力同六日成功迅據險扼重堤背  
水盤大陣烽火屢屢經聲威赫赫震狡寇雖鳴張用師難觀  
釁迄今五載餘淤墊驚轉瞬風雨肆漂搖牛羊恣蹂躪巨壑  
乏幽深高岸失險峻風塵偶然驚邊隅何以鎮錫侯甫下車

英英才露俊進秩冰勵銜繫肘金綰印時和兵氣銷政通民  
心順思患先事防徵役鑿鼓振鑿險下可因通幽井如浚功  
期不日成事自從頭認諄諄誨爾民木鐸道人徇樹屏鑿池  
功庶不虧九仞惟願後之人敬終始同慎補葺逐歲修邁征  
與時進作詩題濠梁聊當歌以詠

肥鄉縣志卷三十六

雜記

有文有本事每得自傳聞可喜可歌語無嫌於志怪或出稗官之所載信而有徵或出委巷之所談質而不俚或其人已登簡策而流風餘韻猶播人寰或其事不重朝廷而立懦廉頑有裨政治疑以傳疑信以傳信異同得失資考鏡於遺文擇焉必精語焉必詳參伍錯綜存紀事之別體志雜記

肥鄉歷代官制沿革皆不傳惟明代官制曾著於鄒公理志中後廉公靖修志則概刪去今備錄於左以資考証知縣一員管糧縣丞一員管馬縣丞一員主簿一員典史一員六房

吏每房司吏一名典吏二名馬政科司吏一名典吏一名承  
發司典吏一名舖長司司吏一名架閣庫典吏一名儒學教  
諭二員訓導二員司吏一名陰陽學訓術一員陰陽生五名  
醫學訓科一員醫生五名僧會司僧官一員僧吏一名

國朝止存知縣一員典史一員儒學止存教諭一員訓導一

員餘悉如舊

舊志

自東晉與北國相爭司冀雍涼青并兗豫幽平諸州一時淪  
沒遺民南渡并僑置牧司實非舊土名號驟易境土屢分或  
一郡一縣割成四五四五之中丞有離合首列揚州刺史成  
帝咸康四年僑立魏郡肥鄉元城三縣寄治京邑又曰以其

地爲王畿領郡若干縣若干戶口若干開列甚詳後又載魏郡太守領縣八曰魏曰安陽曰聊城曰博平曰肥鄉曰蠡曰頓邱曰臨邑戶口與前不合而地理遠近又不等豈江淮以北不隸版圖而假名號以治之歟抑南徙各邑之民而仍邑名以便約束也宋志天下一統地理獨以肥鄉首列僑寄想有彬彬可取者歟

宋書

孝文太和十八年卜遷都鄴登銅崔臺御史大夫崔吉等曰鄴城平原千里漕運四通有西門史起舊迹可以饒富在德不在險請都之孝文曰君知其一未知其二鄴城非長久之計石虎覆於前慕容滅於後國富主奢暴成速敗且西有寇

人山東有列人縣北有相人城君子不飲盜泉惡其名也遂

止乃都洛陽

天中記

宋世景行滎陽太守鄭氏豪橫號爲難治濟州刺史鄭尙弟  
遠慶先爲苑陵令多所受納百姓患之世景下車召而庭叱  
曰與卿親宜假昔吾未至以前一不相問今日之後終不相  
捨而遠慶行竟自若世景卒以法繩之遠慶懼棄官亡走於  
是僚屬畏威莫不改肅

魏書

劉黑闥自稱漢東王建元天造都沼州秦王破之於列人取  
沼水使摠管羅士信守之黑闥攻陷沼水士信死王阻水爲  
連營分奇兵絕黑闥饋路黑闥數挑戰堅壁不爲動三月賊



糧盡王度必決戰祿雍洛水上流勅吏曰須賊渡亟決之黑  
關果率騎二萬絕水陣與王師大戰衆潰水大至賊衆不得  
還斬首萬餘級溺死數千黑關范願等以殘騎奔突厥

唐書

李文靖公作相嘗讀論語或問之公曰沆爲宰相如論語中  
節用而愛人使民以時兩句尙未

邵氏見聞  
前錄

李沆治第封邱門內廳事前僅容旋馬或言其太隘沆笑曰  
居第當傳子孫此爲宰相廳事隘爲太祝奉禮廳事已寬矣  
堂前藥欄壞妻戒守舍者勿葺以試沆沆朝夕見終不言妻  
以語沆沆曰豈可以此動吾一念哉

宋史

文靖布衣時因事涉江風濤暴作幾覆沒有大校王姓善人

倫鑒遽白曰此有真相誰敢爲害何懼之有是日果利涉無

虞衆皆神其事及公之貴王校尙存

王沂公  
筆錄

李丞相沈有長者譽一世僕適宅金數十斤遁去有女將十  
歲美資格自寫一券係於帶願賣於宅以償焉丞相大惻之  
祝夫人曰願如己子育於室訓教婦德俟長成求偶嫁之夫  
人如所誨及笄擇一聳亦頗良具奩幣歸之其二親復歸舊

京問之淪感心骨丞相病夫婦刲股爲羹饋之至薨衰經三

年

湘山野  
錄

文靖秉鈞日有狂生扣馬獻書歷詆其短公遜謝曰俟歸家  
當得詳覽狂生遂發訕怒馬後肆言曰居大位不能康濟天

下又不能引退久妨賢路能不愧於心乎公但於馬上跋階

再三曰屢求退以主上未賜允終無忤色

傳獻簡  
公佳話

李文靖公沆爲相專以方嚴厚重鎮服浮躁尤不樂人說長短附已胡秘監且謫商州久未召嘗與文靖同爲知制誥聞其拜叅政以啟賀之歷詆前居職罷去者云呂叅政以無功爲左丞郭叅政以失酒爲少監辛叅政非材謝病優拜尙書陳叅政新任失旨退歸兩省而譽文靖甚力意將以附之文靖愀然不樂命小吏封置篋曰吾豈真優於是者亦適遭遇耳乘人去後而譏其非吾所不爲况欲揚一已而短四人乎

終爲相且不復用

避署  
雜錄

東坡筆錄夏鄭公竦以父歿王事得三班差使然自少好讀書工爲詩一日携所業伺宰相李文靖退朝拜於馬前而獻之文靖讀其詩有山勢蜂腰斷溪流燕尾分之句深愛之翅日袖詩呈真宗及死事之後迄與換文資遂改潤州金壇主

簿

詩林玉屑

王沂公會李觀察公維薛尙書映一日謁文正公公託病薛有不平之色公壻韓億在門下見之以此啟白公公曰韓郎未之思爾王薛皆李之壻相率而來恐有所干於朝廷事累不可阻之無害若可行答以何辭執政之大忌韓乃謝曰非億所知後果李文靖妻有所請

王文正公道事

至道四年李維爲崑山令獲白龜以獻維好讀書生平手不釋卷自言人生如駒過隙苟得詩酒自適足矣他復何求哉其與文靖人品之不同如此

如蘇志

文靖墓在肥已久不知起於何代後讀百川學海雜志白馬寺後十宰相墓李穀蘇禹珪李沆又云十宰相止記此三人又云白馬寺應在南遷以後亦不審何地也

詩林玉屑

寇萊公始與丁晉公善以丁之才薦於李文靖公沆未用萊公語文靖曰此屢言丁謂之才而相公終不用豈其才不足用耶卽卽言不足聽耶文靖曰如斯人者才則才矣顧其爲人可使在人上乎萊公曰如謂者相公終能抑之使在人下

乎文靖笑曰他日後悔當思吾言晚年與寇相軋交至傾奪竟有海康之禍始服文靖遠識

東軒筆錄

宋真宗上元節御樓見人物繁盛因舉酒賜侍臣曰天下富盛如此嘉與卿等共舉此觴李沆辭避再三終不受帝爲色變次日王旦謁之遂廵言及力辭酒事沆曰天下庶事尙多未濟者人主豈得言治安遂極論治體以爲自古人主好尙之弊有三不好色則好兵不好兵則好神仙以沆觀之聖性如此必無好色好兵之累恐異日爲方士所惑沆老矣相公適當之耳

通鑑

鄭樵通志略云古以鄉爲氏肥氏其先有封於肥鄉者戰國

策趙賢人肥義之後風俗通漢有肥韶英布將肥赫又仁恕錄肥親皆肥義後也又韻書肥赫卽賁赫賁亦賁訖故也

水滸

窗隋

筆

葛葉城俗呼葛鵝城相傳爲趙武靈王夫人所築一名夫人城考之史記趙成侯十七年與魏惠王相遇於葛葉則相去武靈卽位之初尙隔三十二年武靈王前夫韓未娶後夫人吳娃未及也徐廣註葛葉卽馬邱又不知馬邱爲何地母亦趙先有長城之築武靈王與臣樓緩計曰我先王因世之變以長南藩阻漳立險而此其地歟

函樓別紀

程咬金俗傳爲唐太宗征東將肥東三十里陳固村有廟泥

馬夜出食人田苗土人以斧砍之馬帶斧奔逸遲明入廟斧  
在馬尾羣異而祀之甚謹今遺址尙存

雜記

白馬將軍俗傳小將羅成死於此唐太宗爲建廟祠之有碑  
誌陷泥淤中其略云勅守洺水城陷被執又云廟制宏敞尉  
遲敬德奉勅督修事皆杳茫不可信後讀山東通志羅士信  
歷城人年十四以勇聞從張須陀擊賊濰水上陣纔列持長  
矛馳入賊營大破之後歸高祖拜行軍摠管封剡國公從秦  
王擊劉黑闥勅守洺水城陷被執不屈而死遍查唐書無羅  
成名而碑文與原傳合蓋羅成卽羅士信其曰小將者或以

其年十四故云

函樓別紀



河州刺史梁景馭抱罕羗首恃遂不敬其賀正使頻年稱疾  
秦州刺史侯莫陳悅受餽遺常爲送表宋世良奏科其罪帝  
嘉之謂長孫承業曰宋郎中實有家風可敬也

通志略

申公時行序寶氏醫書曰宋有寶漢卿者以瘍醫行於祥符  
慶歷之間詔治太子病愈封太師以國老稱又曰漢卿合肥  
人嗟乎漢卿爲有光一化名儒醫特其一斑耳在史傳甚詳  
以申公之學識猶不及深考且以元爲宋以肥鄉爲合肥以  
大儒列方技吾不知何所聞見而敢公然贅諸天下也竊字  
事之彷彿張梓里之虛聲江南固多才而又好附會人以成  
才河北固無才而未嘗不爲人所附會以成其才夫抵牾人

不好名南人多附會因表而出之以告後之讀竇氏書者知其家世焉或曰申公大有文名此序曼衍無體裁乃術者托

以盜名云

函樓別紀

郭晟洪武中仕龍江參軍未幾辭歸鄉里以醫藥活人甚眾一夕夢朱衣持符授之曰上帝錫二縣於汝以老驚覺符猶見怪之無幾張普祥之葉彭舉爲白蓮會以妖術惑眾逆跡已彰公季子謙以生員倡議擒斬聞於朝授本縣主簿巡撫王偉復奏請陞永年縣丞公終始就其祿養年九十七以壽終果與夢符

蔣勛家塾事親序

漳河之跡肇於禹貢詳於水經散見於諸子百家其源有二

一出山百樂平縣爲清漳一出山西長子縣爲濁漳迤邐分  
流以入林慮北欽山口合爲一股由彰德之西達於磁折於  
臨漳而氾濫於成安以下諸縣地前則會渚沁汾潞之水後  
則集沙滏沼汜之水抵天津入海其大較然矣自臨漳以上  
皆山陵坂嶠地勢建瓴不可停成安而下地皆平坦故縱其  
性之所如瀾漫停泓流斯放焉其經紀於肥鄉也在禹貢有  
至於衡漳之說在唐史有韋令防漳之說在宋金元史傳與  
學碑有修隄受漂沒之說是肥鄉之有漳水實與運會相終  
始者也其去來邊徙不勝書散而波蕩村落則歲以爲常矣  
其在唐宋元以前繞臨漳縣達魏縣元城之南境正值黃河

經小灘鎮一帶北流漳入則尾閘洩之而其餘支以及成肥  
永曲之間其害小及黃河漸次東南下呂梁之險著徐淮之  
道通沿黃河舊址淤塞成邱漳咽而不能洩而禍斯烈於諸  
縣矣其在嘉靖戊戌由嚮王口經回隆鎮艾家口入於衛而  
肥之無漳者十年及嘉靖癸卯河決磁州以東臨漳以西四  
十里磁州守秦姓者曲周人遂竭力築務本隄挽河由枯桃  
園趨蘇胡寨以還入於衛而肥之無漳者十五年至隆慶已  
已決臨漳由成安達肥鄉直繞城下數年而復南徙或從魏  
回隆以達館陶或從花佛堂南決廣平西南若柳林屯龐兒  
莊南溫油房諸村而肥之有漳而不甚爲害者又幾三十餘

年突自萬厯戊戌其素所經歷者多成高阜勢不能南下始  
不得不入肥鄉之四境焉萬厯乙巳知縣曹公所沿城外一  
里許創立新隄萬公廷措各加增築其外日積而高其內日  
窪而卑識者已有沈龜產蛙之慮所幸蔣公嘉訓周公汝弼  
皆能頗年陰雨綢繆不至隕越不料署事者范公應禎以膜  
外置之壬戌六月肥鄉遂遭沉劫之慘不可救藥嗣是王公  
國祚李公春英譚公誠言相繼修葺十有餘年而迄今屋宇  
儉陋委巷空虛元氣尙未大復也其最甚而傷禾殺稼蕩產  
析盧四望蒼茫城鄉俱困者一則天啟丙寅一則崇禎之癸  
酉一則順治之甲午以迄今康熙之壬寅皆奇災也自萬厯

戊戌以復其勢常在肥之西鄉自順治壬辰之後其勢常在肥之東鄉今壬寅突決成安之野莊口繞隄數迎四圍皆化稽天而又有蟻穴潰於北長流迅於西薄膚侵床岌岌難保書奕篇云水以漳名者甚多富陽有漳灑上有漳鄆郡有漳亳州有漳而皆不如晉趙清濁合流之漳猛而烈狂而肆沮洳而善幻肥何德於漳而自開闢以迄今茲不舍晝夜如斯也善哉張雪籟之言曰成安者漳之門庭曲周者漳之鄰舍而肥鄉則漳之腹心又曰漳有十功曰獲秬稻曰易膏沃曰填汚下曰通舟楫曰資蓮藕曰備旱乾曰增林木曰省糞畜曰聚魚蝦曰廣芻薪有十過曰克城郭曰混阡陌曰淤禾稼

曰苦棲息曰悲遷徙曰溺性命曰阻貿易曰決隄防曰沒村落曰壞封植功不如過之多功之及民者或以月計或以歲計而過之及於民者其量十世其量百世也故曰肥鄉之有渾水與運會相終始者也道不通乎漕運平江之奇策誰開事難資於灌溉西門之顯跡不著人居僻壤禍慘黃河敬述近代源流以聽當事采酌

澤時  
狂言

宋李文正公昉文靖公沆文定公迪皆一時名相子孫亦相繼宦達乃數世後漸益蕭條南渡轉徙三裔庶寓餘千無一人在仕版者而文靖文正尤無聞尤可太息

陳眉公  
別錄

西山漆泉寺石碑爲願德太守游記鐫也碑側有訛句字畫

清勁其題識則肥鄉杜奎可見肥之先未嘗無博雅君子大  
都不好名又不及傳而爲子若孫者不能爲先代掄揚日月  
云適兵燹接迹荆榛蔓草曷其有極耶卽如郭氏燕石稿名  
重一代而子孫冠裳纍若索之僅得數葉况其他乎識之以

發一慨

聞見錄

張公思忠性方嚴寡言笑而貌殊豐美幼讀書蕭寺鄰有孀  
婦見而悅之授以意不應投繡悅以挑公公大怒拂袖去絕  
迹不過其門後成進士歷官巡撫郭公忠學識方正居官以  
廉直聞爲諸生時旅宿比舍有女夜奔公拒之不肯去乃出

遊他州後成進士官太守人以爲陰德果報

列人書



張驥以禮記中宏治己酉科張學顏以春秋中嘉靖己酉科  
張錫祚以春秋中萬曆己酉科祖孫相繼其應不爽

列人書

天啟二年六月霖雨浹旬漳滏上流濫漫爲一由磁相鄆鄆  
直抵肥鄉官舍民廬概爲漂沒當水勢盛漲時城南樓閣帝  
忽現像若指顧者士卒共見號呼拜泥淖中及水退城垣盡  
圯其廟巍然獨存

舊志

楊宗智孝子楊鳳之子年踰八十步履矯杖不俯屹然鶴侍  
鶴峙也或問公有道術乎曰吾何術哉夫人世汨沒名利妄  
肆覬營神竭精殫未老而老至矣吾爲太平散人飢事渴飲  
一切事來不妄想過不凝滯其真不戕故其數彌長耳

舊志

張學顏撫遼大司馬在道昆來閱師同游醫無閔山時一卒  
執扇以御適風起撼其掌撲學顏冠落遂澗中學顏命取去  
巾幘徐易之曰風如此烈哉復屬主兵者不咎此與韓魏公

然鬚事略同

列人書

平原君塚初高十數丈久而剝落土人築小屋以覆之其後  
鄉人李如蒼等始祀元君像於已而加增修葺殿閣輝煌居  
然如來香火而不復知有公子遺迹萬曆間成安吳維東過  
肥鄉廟詩夫人城裏埋丞相公子墳頭祀女郎蓋實錄也

三變

錄

平原君廟在肥鄉縣西屯庄舊塑泥龍二條蟠繞梁間頗具

神異萬歷年村民某夫婦皆不孝日撻其母母且夕號泣鄉里督勸終弗悛一日夫婦偕耕隴畝雷電大作兩龍乘雲霧將夫婦各攫其一入廟摔死土人羣往觀之龍爪猶帶血痕後人因並塑其攫取之形刺名以示戒

野聞

曹公司宰令肥時東倭據朝鮮請封而當事者輒議撤天津兵公聞而大恨條上封事卽往謁撫憲力爭以爲封不可許兵不可撤言之侃侃撫憲初怪其迂徐谷九邊情事兵食戰守籌策歷歷指掌乃變怒爲喜已而摩節嘆曰不意書生有將帥才揖之坐賜茶卒如公言

曹公實錄

東鄉倉堡營有東嶽廟爲一邑巨觀殿宇肅穆人無敢侮

者唐太宗時命尉遲敬德監造傳有碑文可考明嘉靖間村民陳李二姓因爭田小嫌托本村景司務言於郡守陳公毀折移建府館工未抵半沿街塞路運轉惟維艱陳頗悔之復命如式再造然已狼狽不及前十之二三傳景沒京邸陳旋里亦遭風濤之厄而陳李以鬼擊同日死皆親見東嶽顯靈

云

且談

肥鄉賀息禮於舍旁掘坎築基得一金磚經數寸瘞之秘不言臨終乃以誥子孫其後族屬蕃衍人稱金磚賀家

舊府志

李公枝秀擢南刑部將履任有建業富商繫於獄史持百金請公求解釋公叱去旋密語人曰此猾民宜暴其事而繩之

以法恐一爲播揚則我博美名而其人永無自新之路所傷

多矣

家乘  
遺事

隆慶己巳閏六月大雨浹旬漳水挾洑溢之勢漲溢流注直抵縣城下城不沒者三版四闕廬舍四鄉田禾衝決殆盡號泣之聲達於晝夜邑令閉關禁人出入民皆攘臂大譁余編筏浮水以解之東門城危益急余躬率親族出錢財極力補苴幸保無虞事定親族勞我曰子當事急何不自顧乃汲汲解喧競補浸漏舍已從人其意何居余曰人定則不遂數變城存則不至破家因公實所以濟私耳

余幼從先君子讀宋史至吾邑李文靖公曰此吾邑先正也

行雖多惟引燭焚詔事宰相所難至王且迎天書曰天無口  
無手書難說難寫若文靖在必投之火中余竊心識之每聞  
公言行必留心記誦後歷仕入朝侍上經筵講官陳民瘼必  
引公奏水旱事論用人必引公不用新進浮薄語若焚詔事  
並未言及獨余守戶部時上遣中使持手勅取帑銀七萬兩  
爲公主妝奩在兵部時復遣中使手勅取太僕寺馬三千匹  
給內閣騎余將勅旨卽繳回請將銀馬停取上大怒將有籍  
沒之信余惴惴待罪爲被逮計數日忽得允旨諸大臣皆爲  
余稱慶始知封還詔旨猶恐忤君取禍况詔旨方下對使引  
燭焚之非公精忠貫日安能不動聲色毫無顧忌如此朱文

公謂公爲宋賢相第一余以焚詔一事漢唐以來一人而已

祠碑記

楊充濁辛安鎮人因其祖楊玘納贅趙公幹家而趙有盧龍  
衛軍役積歲苦累楊氏合族充濁自置田六十二畝出租供  
軍仍懇邑侯刊石注明傳之永久軍便追呼族免逋逃二姓  
均蒙其利焉又創屋三楹祀孔子及顏子買田三十畝爲東  
修邀舌耕者以訓其鄉之子弟嗟夫充濁何人也創義田建  
義學樂善不倦如此宜太書特書以爲肥之富而好禮者勸

廣武盡  
傑考

詩云蠨蛸在東莫之敢掇則虹霓藉日光以成從無夜見者

明天啟丙寅夏與客對坐忽現竟天之虹光芒遍射經宿不

散

麗記

喬接武進士光岳之父年三十歲卽喪妻矢志不再娶後子

登第亦不復置媵婢鰥居四十年

舊志

御史劉臺以劾張居正得罪張學顏復論其賊私御馮景隆  
論李成梁飾功學顏丞稱成梁十大捷非妄景隆坐貶斥學  
顏故爲居正所厚與成梁共事久物論皆以學顏黨於居正  
成梁御史孫繼先曾乾亨給事中黃道瞻交章論學顏學顏  
疏辨求去又請留道瞻不聽明年順天通判周宏禴又攻學  
顏交通大監張鯨皆黜之學顏八疏乞休許致仕

明史



張汝行少無賴嘗爲盜被獲推官張鳳翔晝夢有虎繫府門  
異而釋之後鳳翔巡撫保定汝行以他案事發竄名赤籍鳳  
翔感前夢署爲千夫長及鳳翔爲兵部尙書拔自偏裨愿通  
州摠兵官賜蟒王崇禎十七年闖賊將渡河汝行罷歸居郡  
城乃閉門拒守殲滅土寇闔境肅然旣而陰懷異圖使腹心  
迎賊將劉芳亮於磁州至則拷掠士紳備諸楚毒芳亮北去  
自稱權將軍卽家爲帥府大作威福王師南下命官抵任方  
束手歛迹順治己亥病死

舊府志

甲申平鄉土寇劫掠村鎮時摠兵張汝行在郡城甚有威望  
賊畏之令有擅入廣平界斬鷄澤去平鄉纔十二里秋毫無

犯每見賊持刀逐人至鷄澤界輒止高家庄一村隸兩郡後  
爲順德府南和縣界前爲鷄澤縣界賊焚掠後莊殆盡前村  
帖然無一矢之驚汝行當日雖不能盡如人意然其威名遠  
播捍衛一方才略必有過人者豈可以其起於亡命而少之

鷄澤  
縣志

康熙乙巳肥鄉縣城沒於水邑令寄治於郡城皇華館一時  
遂有兩縣之目至丁未始遷去明天啟壬戌年亦然

永年  
縣志

郭東庠生有才善詩臨終與父郭永訣詩曰古剎無人四顧  
空一枝紅杏對春風雖然未見調羹食且看枝頭一點紅父  
云紅杏對春風焉有不落之理

崇禎十一年己卯歷庚辰辛巳流寇西來土賊乘機擄掠若東河小堤韓村平家庄沙窩等村蹂躪不堪惟彭固奉知縣郝公綱之令置鄉練長四人馬上飛報十人精壯團丁二百四十人晝夜防守甚嚴故當盜賊猖獗之時安堵無恙郝公批云彭固人義勇勝於別鄉真一縣之保障也更有闖帝大顯靈陰庇默佑屢有明驗村民立碑廟中以紀其事今現存崇禎十七年大清兵由山東入縣境前黃寨生員高欽禹年二十餘歲因母老弟弱不便逃避被擄北行可三百里月下泣曰不意孝親讀書人竟死於此也傍有少年人問其里居姓氏以實告其人曰汝家歷代良善必不死吾救汝欽禹聞

其人乃八里庄人鄉里也欽禹曰吾三日不食力不能行子速去勿爲吾累其人曰旣係同鄉宜同生死乃解帶繫欽禹之腰自馬腹下匍匐行二三里許避墳穴中旋聞追索聲又聞恨恨欲殺聲伏不敢動已而寂然兵去始出穴已餓二日矣欽禹愈困不能復起其人以背負乞食歸高母正思子哭泣二人忽至高母驚喜問其人眷屬全無高母曰吾二子夫一今得二而二矣遂收爲義子兄弟友愛如同胞爲之娶妻生子一日欲歸故里欽禹置田園修宅宇送以車馬謂子孫曰此吾救命恩人也使當時無彼吾不知死所矣焉有爾輩乎願世世無忘而其人亦感恩改姓高氏迄今二百餘年親

如眷屬子孫家業兩處俱茂焉

何以名鄉也古萬二千五百家爲鄉鄉者向也周用以制軍賦興風化漢十亭一鄉唐五里爲鄉以計租庸調之所出考戶口置三老教親睦焉今制則以鄉名邑或分村落爲四鄉猶古積家爲里積里爲鄉分合之勢然也何以名鎮也鎮者定也凡關隘處類稱鎮九邊之都會皆稱鎮真定稱鎮州廣平所屬惟臨洺稱鎮肥鄉則爲辛安鎮曲周則有代召鎮古鎮大於縣今鎮則附於縣矣鄉猶村落鎮猶城垣卽以肥鄉而論設四堡以爲附屬有拱衛之形焉有輔弼之義焉有聯絡之勢焉無事則耕鑿相安有事則守望不失此誠太平經

制之石畫也當明世庚戌之變各行修築以備不虞日久傾圮故至今辛未逃兵癸酉流寇子女奔騰不填塞縣城則蟻附郡郭鳥驚魚散蹂躪堪悲使鎮堡少完人得附近以趨屯守邑藉爲聲援而民樂有家室未必其禍如此之烈也况乎舊址尙存人心易鼓當事者肯撙節冗費之餘力以造此不世之金陽綦布星羅多方保障兼行保申鄉約之法以一邑而增四鎮以四鎮而壯一邑支體相維本末相生富庶足而教養興不惟鼠竊狗偷無由竊發而雞犬桑麻得安枕矣此亦司世風者之急著母曰此老生之常談而迂視之

廣武靈  
傑考

肥鄉田賦至今滄極矣其額外加征暮四朝三者勢重難返

不可救藥而內有項欵沈迷相習不覺不得不略指出其大端有五一廣平府屬嘉隆以前皆大畝徵糧者也咸與清三四畝折一畝七八畝折一畝肥則一畝八分折一畝其徵收民以小畝其解黃冊以大畝計每畝四分八厘以大畝言也其徵收以小畝數則照折漸減不及三分矣萬厯時縣官李拭申文可據也今不問畝之大小概徵五分有餘問此小畝有餘之地安歸乎畝丈而額反增可疑者一肥之空地無糧者甚多如張達村之古城陂馬固村之列人城王固村之韋景駿隄皆不入糧地也吾吉河馬等村沙磧不毛皆折糧地也此等地不下數百頃今漳水淤積無不照田一例起科

盈則彼縮盈者日增縮者何往此田賦之可疑二一錢糧經  
 毫為重而肥邑亦決少外派記萬厯中年間有行之者必請  
 鄉紳合學黎老公議每畝不過毫厘有剩餘則為修學給貧  
 之舉人猶噴有煩言今則每年一舉行每畝或加六七厘或  
 知八九厘除優免以塞口實重催科以累貧民竟派至三四  
 千兩幾抵正項之一季而民皆安之貢不入於王宮而財徒  
 歛於積蠹此田賦之可疑者三一田賦在官以赤厯為重在  
 民以田單為憑此自古相沿舊例也近年有解上之赤厯又  
 有在官之赤厯又有衙役之赤厯赤厯多而錢穀之數不可  
 語矣由單者部例欲與民共曉者也每戶一紙歲以為常今



則戶吏全不給發上屢詔之下屢格之諸侯惡其害已也無足怪煌煌憲令哀如充耳此田賦之可疑者四一收糧僉報大戶最爲偏累此不過銷算不明虧額有限耳近年僱替衙門吏書既有工食又肆侵剋崇禎末年二十六柜收頭花費正項幾至一萬餘兩幸際國變得保首領而當事者於小民則立賜責罰於此輩偏加大度不知事一發覺此輩浪迹飄蓬去矣而身家不測之禍隱坐於縣官之一身此田賦之可

疑者五

濯水窗  
叢談

肥鄉厯朝可入世家者三姓魏有宋氏宋有李氏而明惟有郭氏其堂聯有云十秋闈四看榜父子雲初叨甲第八勅文

五諾命高曾祖考沐恩光

郭氏家乘

神廟初璫人高淮摧稅山海關虎翼鳴張怙惡不悛張公承  
祚時以濟南通判督餉廣寧其支黨高仲等有匿稅罷市事  
公往執之按法痛決不少貸撫臬咸爲公危私語公曰子其  
不免乎公曰淮與遼不兩利某與淮不兩立已而淮惡益熾  
遼民寢不安席公竟繪全遼受禍圖託直指上聞不報淮劫  
奪公家人於山海公抗疏略云臣弟子懋昭懋勤等隨任携  
家回籍行過山海淮遣兇丁搜括行李乃將家眷鎖閉囚擊  
不知意欲何爲軍民商賈萬目難掩前奉明旨嚴禁稅使生  
事擾民御墨未乾也淮視如故紙攘金如山殺人如麻窮兇

極滯惟日不足臣固不足惜獨是朗朗天日以確闕細事令  
一闕寺小人隳二祖八宗之綱紀其爲天地大德之累者何  
限如皇上感悟臣言卽討淮罪下之司敗以惠邊氓是臣一  
家哭博一路笑臣死如飴疏入不報兩臺代公連翻上疏且  
以去就爭亦不報淮憤挾兵丁千餘至廣渠門聲言面皇上  
欲辨誣申理上聞遣田牌子馳諭淮速返山海少留處死淮  
如單騎返關門而正值公之趙劉兩僕東西交至淮並執拷  
訊劉竟死下趙於獄搜家書二封其一公與子懋忠書其一  
子懋忠與公書也淮字字音釋箋註封進御覽書中有云聞  
相國沈公前曾揭救東廠陳公會於上前力言淮必僨事宜

徽等語上以淮疏並書二摺手付陳並致相國相國亟招公  
子懋忠語曰此番無恙淮無能爲矣淮卒罷遣公亦陞歸德

求去

張氏行狀錄

父老相傳從前守令之重隄防者蓋莫如商城周公言其每  
當春夏之秋雨濡水泛晝夜不懈巡守有不率者盡以重法  
繩法以故公履任數年河屢浸及城隄不爲害亡何公以待  
御內召去攝篆者爲某郡丞瀕行公重以隄防相託不啻再  
三郡丞視之笈如也河甫漲輒乘傳旋郡委之佐貳佐貳亦  
以公事他適防者疏虞蟻穴衝決勢成莫救四圍迸柱樓櫓  
傾陷居民倉卒無所逃避號呼之聲聞數里一日夜間水與

堞平屋上可駕舟楫衙署之所職掌宮廟之所崇祀卷案之  
所稽查倉庫之所委積與夫故家巨室數百年之所收藏一  
巨金舉而付之波臣而肥之文章風俗紀綱從此不可復識  
矣男婦以無所救援而溺死者冊報七百餘人蓋天啟壬戌  
歲六月二十九日也事聞京師周公脚恨某郡丞不置欲具

疏申刻以某邑紳力勸方止其後郡丞雖無大過率以是罷  
官而周秩躋卿憲顯名於朝廷今肥民稱良有司皆曰周公

周公其人云

澤畔  
狂言

列人舊城在馬固村北天啟壬戌肥鄉城壞知縣楊公時晦  
銳意移城於此已申報各臺縣署儒學城垣門堞量步都

擇吉聲炮破土邑豪家勢旋惜其既燼之餘業乃復力行阻  
止楊公掀髯相向日君欲仍舊貫乎蓋以貫與灌音相近語  
雖戲而實有遠識迄今四十年鯁鯁焉無日不抱厝火積薪  
之慮人皆笑豪勢之固陋而數憾於首事者委靡不振云

雜事

記

張達村有張果老墳劉家寨有古城坡張兒庄有虛糧塚其  
迹存矣而人無據焉舊志以肥爲蔡皋狼地或以肥有周處  
射虎天臺斬蛟長橋或以趙王廟爲趙簡子其說存矣而迹  
無據焉影響於父老之口傳疑似於史傳之說諸如此類概  
行刪削如曰聖經猶有夏五之存史記亦多楮生之謬信則

傳信疑則傳疑後代之紛更不又以爲口實乎故劉知幾揣  
摹之說寧闕略於一時而公羊高傳聞之異勿滋議於後世  
雜事  
記

廣平府肥鄉縣儒學增廣生員臣張桂謹奏爲比例陳情懇  
乞天恩旌表苦節以光泉壤以勵風化事臣伏覩詔律內一  
款凡民寡婦三十以前夫亡守志五十以後不改節者許令  
旌表欽此臣竊念臣父張定年十九歲於嘉靖四年三月內  
聘娶故民李江女爲妻至嘉靖五年十一月初六日生臣木  
月十二日臣父病故時臣母李氏年方十七歲生僅生七日  
耳臣母正在蓐間強視含歛撫官慟哭絕飲食者數日戚黨

勸慰方進水漿臣父葬畢臣外祖母見臣多病臣母尚少艾  
屢命輟乳以奪母志母引錐刀泣誓曰夫死我存爲此兒也  
若兒亡我卽日見夫地下母言何至於我也臣家素貧又饑  
僅相繼臣母挑菜紡績以事舅姑比臣父存日愈篤臣六七  
歲擇師授讀訓臣曰爾勿忘爾父勿負我苦是以臣得有今  
日臣母於嘉靖三十九年九月十九日病故臣廬墓三年訖  
查得本縣評事郭崇嗣母王氏守節陳情奉旨 旌表臣念  
母自適臣父爲妻統算一年零八月自十七歲孀居至五十  
一歲病故總計獨處之若三十五年有餘比於嗣母節操雖  
同而難若實過之若不將情自陳則是母以萬苦育臣臣



不能以一夕報母誠恐臣母苦節竟至泯滅臣負不孝之罪  
何以見母地下伏望皇上一視同仁均霑雨露勅卽查勘如  
果臣言不謬照例旌表云云疏入上命有司建坊仍準張桂  
食餼於庠本傳

省祭官聞可復生平性好施予置學田五十畝延師以教鄉  
之子弟又立義塚於本鄉葬無主骨庫吏常某花費官帑五  
十兩無所償拷掠瀕死可復如數解囊助之庚辰歲饑施銀  
三百兩煮粥食於道路賴以全活者甚衆按君建坊旌表見  
錄

李杜擢江西布政使晉迎候至里值公布素倚門旁無僕從

月苑集卷之三十一  
名三十一  
吏胥遽以客禮呼公使求介紹公佯應之入少選抬吏胥拜  
謁庭下則曩呼介紹者居然方伯公也吏胥惶懼叩頭伏罪  
公待之恬如

公里居時偶村外閒步適有推小車者陷於淖不能行呼公  
助力公笑應之出淖始知爲公遽謝罪公慰勞遣之去

肥士君子之表表者前志已載其有迹不掛華胄行可琢圭  
璧者一鄉之善士有足述焉獨則修學有郭傑操履端方有  
李旻面折人過有鄭溱賑飢助葬有王寵動合矩度有畢得  
用取予不苟有賀憲愛篤有餘有趙梅公平正直有李安其  
其尤著者四人一日宗志臬年七十未入公門人有侵其畔

者讓之不校路有遺金趨而過之弗顧焉一日王僕家富饒  
而無私蓄見貧窮率周恤之遇強橫含忍不欲報一日張國  
崔格不利人之有不恥己之無好施財以濟人急將死自營  
喪具設笑而逝有古達士風一日陳盡忠剛直果斷鄉黨有  
難處事皆往質其門事繼母以孝待弟姪以誠處隣族以義  
此皆舊志所臚列者其餘窮鄉下里豈曰無賢有司之旌表  
無聞汝南之月旦未顯不得不濡筆楊眉以俟續舉

舊志

郭生泮義田記略云維正之供固在下所宜然乃頻年賦重  
差繁苦樂不均而吾里甲長爲尤甚况追呼急於星火而  
楊不辨淄澠富者巧於避差貧者終難脫殺歛地無路

無門余目擊而心傷久矣因糾集同甲父老子弟估計各家  
產力各出分金若干兩置買田地若干畝自順治十二年乙  
未至十七年庚子共買地四十畝一以供辨酒食打點一以  
補算死逃逋欠庶乎公私兩全貧富協均自茲以後不論戶  
之大小人之強弱凡應本里甲長卽種此地一年一算輪流  
接管強者不敢吞奸者不得欺弱者不致困貧者不滋累億  
萬斯年勒諸貞珉有背盟者執約到官處置

壬寅八月二十七日大水平堤十一月二十一日地震冬水  
漲隔隄浸灌達於城濠以及內門角屋廬傾壞居民無所栖  
止四門瀾漫成河不得行集市亦罷惟城內四大官街可通

路

聞見錄

順治甲午肥鄉大水舟子於水中得一木二尺許入夜則明有光如晝至鷄鳴特光乃斂鄉人得此數者甚多

舊府志

康熙乙巳肥鄉縣城沒於水邑令寄治於郡城皇華館一時

遂有兩縣之目至丁未始遷去天啟壬戌然

永年縣志

高如岷自幼失明父善述留銀一鐔埋案下謂之曰吾獨與汝勿令人知也及父沒凡如岳待之甚厚兄子誼事之如父

誼子人泰聰明賢孝十七歲入泮而岷子訓尚幼令從人泰

學得入邑庠一日謂人泰曰吾依汝三世成家吾父雖以金

遺我不忍私也遂出之以充公用其子若孫皆不知也五世

同居毫無嫌隙非甚盛德何能若是

張毓藻知四川梁山縣有命案而凶手不得毓藻禱於城隍廟夜夢殿前覆一鐘有羊入鐘下不見既寤恍然悟曰得非楊進忠乎訪之果有其人問之色動嚴訊之供殺人事歷歷如繪問抵案始結

梁山縣某鄉一寺極宏麗僧衆五百餘人窮凶極惡積案重重屢任官無敢過而問者毓藻下車有控告者扑之曰出家人何至如是爾等挾嫌耳僧問之喜詣縣謝毓藻欵接之且至寺拈香來往欵洽僧意大安甲日謂僧曰廟漸殘破曷修之僧辭以無錢毓藻捐資以倡且授緣簿遍寫鄉人先令開

窑燒造磚瓦柴草環寺堆積如山適逢僧壽辰衆僧舉三毓  
藻先期送祝禮甚厚約屆期祝嘏作竟日日歡僧大悅至日  
毓藻至酬酢方殷忽有急足馳報曰某大人過境毓藻若爲  
弗得已者快快還去寺甫數里暗使人舉火柴焚寺爲灰燼  
衆僧聚而殲焉歷年之害頓除

貢生王福元任邢臺訓導忽一日有役報某日陞唐山知縣  
經宿而去其子王璵往視其父則已病終矣所升之日卽唐  
山縣城隍獻戲開光之日也

西落堡村民張維新張日新兄弟也咸豐十一年十一月賊  
入村維新遇害鄉地誤報日新已題準賜恤入祀昭忠祠矣

然每至春秋致祭時日新輒大病後訪知其故懇求改正允其請而令伊更名亦異事也

同治元年十一月二十八日官隊與賊戰於程兒寨重圍四合士卒飢疲忽有一老翁携一籃饅首至遍給練勇不記其數亦未付其錢且在隊中幫散火藥鉛丸謂李占元曰何不開烏機炮占元曰止有二子可奈何翁以五子與之曰鉛丸尙多無慮也占元連開兩炮打斃賊目陣遂逆散大敗而走收隊時翁忽不見咸驚以爲神